



G. Bračunović

Broj: 10-33-15-925 DMC/11
Sarajevo, 13.04.2011.

Federalno ministarstvo obrazovanja i nauke
Ministarstvo nauke i tehnologije Republike Srpske
Vlada Brčko distrikta

Stamp: **ORG. JED.** Broj: 05-39-17541 M
Stamp: **MINISTARSTVO NAUKE**

PREDMET: Objavljeni novi pozivi za prijavu prijedloga projekata u programu LJUDI FP7

Poštovani,

Dozvolite da vas obavijestimo i zamolimo da sljedeću informaciju prosljedite relevantnim istraživačima, a Federalno ministarstvo obrazovanja i nauke istu da prosljedi i relevantnim kantonalnim ministarstvima.

Specifični program "Ljudi" se provodi kroz različite kategorije aktivnosti:

1. Cjeloživotna obuka: Aktivnosti usmjerene na podršku iskusnim istraživačima u sticanju novih vještina zahvaljujući boravku u inostranstvu: Intra-Evropska stipendija (IEF), Grant – Integracija karijera (CIG) i COFUND
2. Međunarodna dimenzija: Aktivnosti usmjerene ka povećanju saradnje sa zemljama trećeg svijeta: (International Outgoing Fellowship IOF), International Incoming Fellowships (IIF) i Međunarodna šema razmjene istraživača (IRSES)
3. Početna obuka: Mreža početne obuke (ITN) cilja na poboljšanje karijere mladih istraživača u javnim i privatnim sektorima
4. Privreda-akademska zajednica: Šeme i partnerstva privrede i akademske zajednice (IAPP) usmjerene su na povećanje saradnje između sektora privrede i akademske zajednice

Trenutno su otvoreni sljedeći pozivi:

FP7-PEOPLE-2011-IEF - Intra-European Fellowships for Career Development (IEF)
Krajnji rok prijave: 11. Avgust, 2011.g. 17.00 sati, Budžet € 109 850 000

Ova aktivnost namjenjena je podršci razvoja ili ponovnog pokretanja karijere iskusnih istraživača na različitim nivoima karijere, i nastoji unaprijediti različite individualne sposobnosti u smislu sticanja vještina na multi ili intredisciplinarnom nivou, i/ili na osnovu međusektorskih iskustava. Cilj je podržati istraživače u postizanju i/ili jačanju vodećih nezavisnih pozicija, npr. glavni istražitelj, profesor ili neki viši položaj u obrazovanju ili preduzeću.

FP7-PEOPLE-2011-IIF - International Incoming Fellowships (IIF)
Krajnji rok prijave: 11. Avgust, 2011.g. 17.00 sati, Budžet € 40 000 000

Ova aktivnosti osigurava finansijska sredstva za individualne istraživačke projekte predstavljene od strane eksternih iskusnih istraživača u saradnji sa pravnim subjektom

(„domaćin organizacija“) u zemlji članici EU ili zemlji pridruženoj članici, kao i mogućnost obrnute saradnje ukoliko je istraživač prije dolaska bio aktivan u zemlji partneru u međunarodnoj saradnji.

FP7-PEOPLE-2011-IOF - International Outgoing Fellowships for Career Development (IOF)

Krajnji rok prijave: 11. Avgust, 2011.g. 17.00 sati, € 40 000 000

Ova aktivnost ima za cilj da pojača međunarodnu dimenziju u karijeri Evropskih istraživača, pružajući im mogućnost obuke i sticanja novih znanja u organizacijama na visokom nivou koje se bave istraživanjem, a osnovane su u zemljama trećeg svijeta (odlazna faza). Nakon toga, istraživači će se vratiti sa stečenim znanjem i podijeliti svoje iskustvo u svojoj organizaciji koja se nalazi u zemlji članici EU ili zemlji pridruženoj članici.

FP7-PEOPLE-2011-CIG - Career Integration Grants (CIG)

Krajnji rok prijave: 6. Septembar 2011.g. 17.00 sati, Budget € 40 000 000

Cilje je ojačati Evropsko istraživačko područje poticanjem istraživača na rad u Zemljama članicama ili pridruženim zemljama, npr, nakon perioda mobilnosti. Aktivnost je osmišljena tako da istraživačima koji nastavak svoje karijere vide u Evropi, pruži sigurnu poziciju, sa vlastitim budžetom za istraživanje, čime bi doprinjeli naučnom uspjehu u svojoj istraživačkoj karijeri. Aktivnost namjerava značajno poboljšati izgleda trajne integracije istraživača koji po prvi put prihvataju stalnu poziciju u Evropi.

Za detaljnije informacije molimo pogledajte:

<http://cordis.europa.eu/fp7/dc/index.cfm?fuseaction=UserSite.FP7CallsPage>

S poštovanjem,


Sekretar Ministarstva
Zlatko Horvat
Zlatko Horvat